



Adresa: **Ul. Hamdije Čemerlića 39. A**
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-I/25-2-40-293-4/21**

Datum: 27.07.2021. godine

„Agencija za vodno područje rijeke Save“ Sarajevo rješavajući po zahtjevu Investitora, RMU „Banovići“ d.d. Banovići, za izdavanje vodne saglasnosti za izgradnju deponije otkrivke sa PK „Turija“ primjenom tračnog transporta otkrivke, sa pratećim sadržajima, na prostoru napuštenog površinskog kopa „Čubrić“, općina Banović i ispuštanje tehnoloških otpadnih voda na osnovu člana 114., a u vezi sa članom člana 109. stav (1) tačka 2. i 11. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

RJEŠENJE **o vodnoj saglasnosti**

1. Investitoru RMU „Banovići“ d.d. Banovići daje se vodna saglasnost za izgradnju deponije otkrivke sa PK „Turija“ primjenom tračnog transporta otkrivke, sa pratećim sadržajima, na prostoru napuštenog površinskog kopa „Čubrić“, općina Banović i ispuštanje tehnoloških otpadnih voda, a u skladu sa projektnom dokumentacijom:

- Glavni projekat za tretman i zbrinjavanje otpadnih voda sa deponije otkrivke na prostor napuštenog PK „Čubrić“, urađen od strane JPVD „Spreča“ d.d. Tuzla, april 2021. godine, broj:051-01-1-1931/19,

- Revizija Glavnog projekta urađena je od strane „Rudarski institut“ d.d. Tuzla, april 2021. godine, broj:30-01-04-224/21.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.

3. Ova saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa a sve u skladu sa važećim zakonskim propisima, odlukama i sl.

4. Vodna saglasnost se donosi na osnovu pregleda dostavljene projektne dokumentacije iz tačke 1. ovog Rješenja, utvrđenog činjeničnog stanja i pod sljedećim uslovima:

4.1. Radove na izgradnju deponije otkrivke sa PK „Turija“ primjenom tračnog transporta otkrivke, sa pratećim sadržajima, na prostoru napuštenog površinskog kopa „Čubrić“, općina Banović i ispuštanje tehnoloških otpadnih voda izvesti u skladu sa ovjerenom projektnom dokumentacijom iz tačke 1. ovog Rješenja.

4.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.

4.3. U toku izvođenja radova neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.

4.4. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkih ulja i sl.

4.5. Nakon izvođenja radova sistema odvodnje oborinskih onečišćenih voda i procjednih voda iz tijela deponije potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.

4.6. Predvidjeti da se sav nastali otpad prikuplja u skladu sa važećim propisima o postupanju sa otpadom.

4.7. Na izlazu vode iz taložnika „Mušići“ prema potoku Litvi i dalje ka rijeci Oskovi izgraditi monitoring okno za utvrđivanje kvantiteta i kvaliteta otpadnih voda od strane ovlaštene ustanove.

4.8. Obezbijediti da kvalitet prečišćene otpadne vode prije ispuštanja iste u prijemnik-potok Litva i dalje u rijeku Oskovu bude u skladu sa Prilogom 18. Uredbe o uslovima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).

4.9. Ukoliko rezultati analiza uzoraka vode ukažu na vrijednosti koje su iznad dozvoljenih po Uredbi, tada je Investitor u obavezi da izvrši dogradnju sistema za prečišćavanje voda, adekvatnog kapaciteta.

5. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.

6. Ukoliko se u toku izvođenja radova i korištenja premetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.

7. Po završetku izgradnje deponije otkrivke sa PK „Turija“ primjenom tračnog transporta otkrivke, sa pratećim sadržajima, na prostoru napuštenog površinskog kopa „Čubrić“, općina Banović i ispuštanje tehnoloških otpadnih voda, a u skladu sa projektnom dokumentacijom iz tačke 1. ovog rješenja i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12.stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20).

8. Ova vodna saglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za građenje i započeta izgradnja objekata u skladu sa glavnim projektima iz tačke 1. dispozitiva ovog rješenja.

9. Vodna saglasnost se može izmjeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor RMU „Banović“ d.d. Banović, zatražio je izdavanje vodne saglasnosti za izgradnju deponije otkrivke sa PK „Turija“ primjenom tračnog transporta otkrivke, sa pratećim sadržajima, na prostoru napuštenog površinskog kopa „Čubrić“, općina Banović i ispuštanje tehnoloških otpadnih voda.

U provedenom postupku, uz zahtjev za izdavanje vodne saglasnosti dostavljena je i pregledana slijedeća dokumentacija:

A.Opća dokumentacija

- Aktuelni izvod iz sudskog registra izdat od strane Općinskog suda u Tuzli – kopija,
- Uvjerjenje o poreskoj registraciji izdatoj od Porezne uprave Kantonalni ured Tuzla od 30.03.2010. godine - kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-3173-2/13 od 15.07.2013. godine izdato od strane Uprave za indirektno-neizravno oporezivanje Banja Luka – kopija,
- Rješenje o prethodnoj vodnoj saglasnosti, broj:UP-I/25-1-40-427-8/19 od 03.10.2019. godine izdato od strane Agencije za vodno područje rijeke Save, Sarajevo – kopija,

- Obrazloženje, broj:11497/21 od 24.06.2021. godine dato od strane RMU „Banovići“ d.d. Banovići,
- Akt broj:05/2-19-5-391/21SN od 17.06.2021. godine izdat od strane Federalnog ministarstva okoliša i turizma – kopija,
- Rješenje o okolišnoj dozvoli, broj:UPI 05/2-23-11-79/17 od 17.11.2017. godine izdato od strane Federalnog ministarstva okoliša i turizma – kopija,
- Rješenje o urbanističkoj saglasnosti, broj:03-364-1582 od 07.11.1985. godine izdato od strane Republičkog komiteta za urbanizam, građevinarstvo, stambene i komunalne poslove Sarajevo – kopija,
- Dokaz o uplaćenju federalnoj upravnoj pristojbi

B. Tehnička dokumentacija

- Glavni projekat za tretman i zbrinjavanje otpadnih voda sa deponije otkrivke na prostor napuštenog PK „Čubrić“, urađen od strane JPVD „Spreča“ d.d. Tuzla, april 2021. godine, broj:051-01-1-1931/19

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

- Glavni projekat, iz tačke 1. dispozitiva ovog Rješenja, urađen je i revidovan od strane ovlaštenih pravnih lica.
- U RMU „Banovići“ eksploatacija mrkog uglja u predhodnom periodu vršena je površinskim i podzemnim načinom. Jedna od posljedica površinske eksploatacije uglja je devastacija površina terena rudarskim aktivnostima. Takav je slučaj i sa površinskim kopom „Čubrić“ na kojem je krajem 2011. godine završena eksploatacija uglja. Na ovoj lokaciji je trenutno krater sa preko 100 miliona m³ praznog prostora koji se sa aspekta nastavka rada rudnika ali i sa aspekta rekultivacije istog treba iskoristiti za odlaganje otkrivke sa PK „Turija“.
- Dio otkrivke iz površinskog kopa „Turija“ Investitor planira transportovati i odlagati na vanjsko odlagalište odnosno otkopani prostor /krater površinskog kopa „Čubrić“. Transport i odlaganje se planira obavljati DTO (drobilica – transporter – odlagač) sistemom.
- Uzimajući u obzir dubinu kratera kopa, koji se planira zapunjavati, tehničko-tehnološke karakteristike opreme te elemente pristupa i postavljanja odlagališnih transportera definisani su osnovni nivoi postavljanja-stajanja odlagališnih transportera i odlagača a to su:
 - prva faza sa nivom postavljanja odlagališnih transportera i odlagača je E-384,
 - druga sa nivom postavljanja odlagališnih transportera i odlagača je po nivou E-42.
- Na predmetnom lokalitetu PK „Čubrić“, a koje je namijenjeno za deponovanje otkrivka sa PK „Turija“ nastaju tehnološke otpadne vode:
 - u toku i nakon završetka procesa deponovanja, a onečišćene su suspendiranim materijama,
 - kao posljedica kontakta oborina sa trakastim transporterom.

- Količina tehnoloških otpadnih voda zavisi od količine i intenziteta padavina, kao i količine podzemnih i površinskih voda koje dolaze u kontakt sa deponovanim materijalom.

- Površinske otpadne vode koje će nastati na predmetnom lokalitetu su vode od spiranja terena, te mogu sadržavati suspendovane čestice koje potiču od jalovine. Ove vode će se kanalima dovesti do taložnika Mušić, gdje će se zadržati u cilju taloženja suspendovanih čestica. Preliv iz taložnika će se preko revizionog okna i kanala odvoditi u rijeku Litvu.

U dokaznom postupku utvrđeno je da projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj:UP-I/25-1-40-427-8/19 od 03.10.2019. godine izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja data vodna saglasnost na istu. Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova,

shodno odredbama člana 144. Zakona o vodama, i članova 7. i 10. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Ovjerena tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- RMU „Banovići“ d.d. Banovići
Ulica Armije BiH 52, 75290 Banovci, (kao u prilogu),
- ⊖ AVP-ISV -Vodna knjiga,
- Sektor 40, arhiva,
- Oglasna tabla AVP-Sava Sarajevo